

Convenio de colaboración entre a Consellería de Cultura, Educación, Formación Profesional e Universidades e o Concello de Pontevedra para o desenvolvemento de actividades vinculadas aos estudos do Centro Integrado de Formación Profesional Carlos Oroza no mercado de abastos de Pontevedra

MEMORIA XUSTIFICATIVA

A Directora Xeral de Formación Profesional da Consellería de Cultura, Educación, Formación Profesional e Universidades,

INFORMA:

Que esta Consellería de Cultura, Educación, Formación profesional e Universidades ten previsto formalizar co Concello de Pontevedra o instrumento convencional arriba referido cun período de vixencia de catro anos, dende a data a súa sinatura.

Que o instrumento convencional ten por obxecto:

Regular a colaboración do Concello de Pontevedra co CIFP Carlos Oroza para cooperar na planificación e execución de proxectos e actuacións vinculados coa gastronomía, dentro do marco da formación profesional que se imparte no centro. Concretamente o Concello comprométese a por a disposición do centro educativo un espazo no primeiro andar do mercado de abastos da Avenida de Bos Aires para o desenvolvemento daquelas actividades que requiran un espazo de traballo propio.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional que se pretende asinar se fundamenta no seguinte:

- a. Que o CIFP Carlos Oroza "Centro Integrado de Formación Profesional Carlos Oroza", está regulado polo Decreto 266/2007, do 28 de decembro, a súa oferta formativa está dirixida a colectivos destinatarios dos dous subsistemas, formación profesional inicial e formación para o emprego. A acreditación como CIFP data do 10 de xuño de 2004 mediante a Orde do 27 de maio de 2004.



O centro foi creado no ano 1996 coa finalidade de dotar a provincia de Pontevedra dun centro educativo que dinamizase as ensinanzas da familia profesional de hostalaría e turismo nun sistema integrado de formación, mediante o establecemento dunha oferta educativa de ciclos formativos, accións formativas para o emprego, programas de acreditación de competencias profesionais e un espazo de cooperación entre o centro educativo e as empresas do sector.

Esta colaboración interinstitucional, baseada no principio de protagonismo dos concellos como axentes decisorios das políticas municipais e, en desenvolvemento das competencias que a lexislación vixente atribúe á administración local, inicia unha relación e colaboración entre as institucións asinantes e afonda na conxugación dos principios que rexen as relación entre o concello e o CIP Carlos Oroza mediante a planificación e desenvolvemento de accións coordinadas na formación do alumnado, mediante a realización de proxectos de emprendemento e no desenvolvemento de actividades vinculadas coa súa formación.

- b. Que o Concello de Pontevedra debe desenvolver políticas, plans e actuacións para o desenvolvemento das súas competencias polo que considera oportuno establecer un espazo de cooperación entre o CIFP Carlos Oroza e o ámbito produtivo local, coa finalidade de estender unha cultura da formación, contribuíndo a difundir a formación profesional. A colaboración entre ambas institucións permitirá a realización de diversas actuacións que melloren a formación do alumnado e os servizos do mercado a cidadanía.
- c. Que que a gastronomía representa un especial atractivo para o turismo, polo que coas actividades que vai desenvolver o CIFP Carlos Oroza potenciarase a gastronomía tradicional, popular e local (a súa actividade potencia o consumo de produtos quilómetro 0) e apoiarase o proceso de transformación e innovación que vive a gastronomía española.
- d. Que as actividades que se van desenvolver, vinculadas a formación impartida polo CIFP Carlos Oroza, resultan do mais acorde co plan de dinamización do mercado posto en marcha para promover o consumo e o ocio do público local e visitante e promoverá aínda máis o desenvolvemento económico, social e turístico do mercado.



Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do convenio que se pretende, con exclusión doutras figuras.

E para que conste, asínase esta memoria en Santiago de Compostela.

